

An abstract digital circuit pattern composed of various geometric shapes and lines in shades of blue and cyan. The pattern includes straight lines, right-angled turns, circles, squares, and chevrons, all set against a dark blue background. The elements are scattered across the upper two-thirds of the page, creating a complex, interconnected visual structure.

TAKSAT DHE TATIMET

Publikuesi

Platforma "Biznesi Im" ofrohet nga Agjencia për Investime dhe Përkrahjen e Ndërmarrjeve në Kosovë (KIESA) dhe është zhvilluar nga projekti „Qasja në treg dhe shërbimet e digjitalizimit të biznesit për kompanitë e Kosovës (ACCESS)“, financuar nga Austrian Development Cooperation (ADC) dhe bashkëfinancuar nga Ministria Industrisë, Ndërmarrësisë dhe Tregtisë (MINT) dhe Ministria e Ekonomisë (ME).

Deklarata e përjashtimit të përgjegjësisë

Kjo broshurë është krijuar për të ofruar informacione të dobishme mbi temën që diskutohet. Informacionet në këtë broshurë nuk zëvendësojnë këshillime specifike, shërbime këshilluese, këshilla ligjore dhe tatimore. Ne nuk marrim përsipër dhe nuk ofrojmë asnjë garanci të çfarëdo lloji, në lidhje me saktësinë, mjaftueshmërinë, vlefshmërinë, besueshmërinë, apo disponueshmërinë e çdo informacioni në broshurë. Prandaj, çdo përgjegjësi e autorëve përjashtohet.

1. Kategorizimi i llojeve të bizneseve

Personat fizikë (bizneset individuale dhe ortakëritë) – Kanë përgjegjësi të plotë me tërë pasurinë e tyre private

Sipas Ligjit për Shoqëritë Tregtare personat juridikë (Shoqëri me Përgjegjësi të Kufizuar - ShPK, Shoqëri Aksionare – ShA, Kompani e huaj, Dega në Kosovë) – kanë përgjegjësi të kufizuar vetëm me pasurinë e ndërmarrjes.

Aplikimi për regjistrimin e biznesit mund të bëhet online si dhe në çdo qendër komunale të ARBK-së (Qendra One-Stop-Shop).

2. Cilat tatime aplikohen në Kosovë?

Më poshtë gjeni llojet e tatimeve të cilat aplikohen në Kosovë si dhe institucionet përgjegjëse për mbledhjen e tyre.

Lloji i tatimit	Institucioni përgjegjës
Tatimi mbi Vlerën e Shtuar	Administrata Tatimore e Kosovës
Tatimi në të Ardhurat e Korporatave	
Tatimi në të Ardhurat Personale	
Kontributet Pensionale	
Tatimi në Lojërat e Fatit (Licencimi)	
Tatimin mbi Vlerën e Shtuar (Import)	Dogana e Kosovës
Taksat Doganore	
Akcizat	
Tatimi mbi Pronën	Komunat e Kosovës
Taksat lokale	

3. Krijimi dhe mbajtja e regjistrimeve

Librat dhe regjistrimet mbahen me shkrim ose në formë elektronike.

Për bizneset me qarkullim nën 30,000 euro, librat dhe regjistrimet minimale që duhet mbajtur, janë: Libri i Blerjes, Libri i Shitjes, Libri i Arkës, raportet bankare, kopjet e dokumenteve, regjistrimi i mallit, Libri i të Punësuarve, etj.

Bizneset me qarkullim vjetor mbi 30,000 euro dhe ato që zgjedhin vullnetarisht të deklarojnë qarkullimin në baza reale, duhet të mbajnë regjistrime sipas Standardeve të Kontabilitetit të Kosovës (SKK), si për shembull:

- **Libri i Blerjes (regjistrohen të gjitha blerjet ose deklaratat);**
- **Libri i Shitjes (regjistrohen të gjitha shitjet dhe deklaratat);**
- **Libri i Arkës (regjistrohen të gjitha hyrjet dhe daljet në arkë);**
- **Raportet Bankare (regjistrimet e depozitave dhe tërheqjeve);**
- **Llogaria kryesore (bilanci hapës, të hyrat në kapital, zhvleftësimi, bilanci mbyllës);**
- **Pasqyrat financiare dhe bilanci, kopjet e dokumenteve mbështetëse për hyrjet në libra, regjistrimi i mallit dhe Libri i të Punësuarve.**

Bizneset janë të obliguara për ruajtje të regjistrimeve për një periudhë 6 vjeçare, prej kohës kur lind detyrimi tatimor.

4. Dokumentet mbi Origjinën e Mallit

Dokumentet të cilat dëshmojnë origjinën e mallit janë: **Dokumenti Unik Doganor (DUD)** , **Dokumenti i Transportit, Faturë me TVSH, Faturë pa TVSH, Çertifikatat tatimore / Kuponët / Dëftesat.**

5. Transaksionet mbi 500€

Për transaksionet në mes të personave të tatueshëm, çdo transaksion mbi 500€, duhet të bëhet përmes llogarisë bankare, pavarësisht nëse pagesa bëhet pjesë-pjesë.

6. Tabela informuese për llojet dhe normën tatimore

Lloji i tatimit	Norma tatimore
Tatimi në të Ardhura të Korporatave	<p>Tatimpagues për TAK është një korporatë apo një ndërmarrje tjetër afariste që ka statusin e personit juridik sipas ligjit në fuqi në Kosovë me qarkullim mbi 30,000 Euro.</p> <p>Norma – 10% në të ardhurat pas shpenzimeve të pranueshme. Fitimi para tatimit = Të ardhurat bruto-shpenzime të pranueshme.</p> <p>Te tatimpaguesit me të ardhura vjetore bruto deri në 30,000 euro aplikohen normat si më poshtë:</p> <p>Norma – 9% e të ardhurave bruto nga shërbimet, veprimtaritë profesionale, të zanatit, të argëtimit dhe të ngjashme të çdo tremujori, por jo më pak se 3750 euro për tremujor.</p> <p>Norma – 3% e të ardhurave bruto nga tregtia, transporti, bujqësia dhe veprimtaritë e ngjashme ekonomike të çdo tremujori, por jo më pak se 3750 euro për tremujor</p> <p>Deklarohet dhe paguhet në baza tremujore – me përlogaritje në dy mënyra:</p> <p>¼ e detyrimit të përgjithshëm tatimor bazuar në të ardhurat e tatueshme të vlerësuara</p> <p>110% e detyrimit tatimor nga viti paraprak</p>
Tatimi në Dividenda	0%
TVSh (progresive)	<p>Regjistrimi dhe faturimi i TVSh-së është i obligueshëm për çdo tatimpagues me qarkullim vjetor më të lartë se 30,000 euro në vit.</p> <p>18% norma standarde, 8% norma e reduktuar 0% për shitjet e financuara nga donacionet e caktuara apo për eksport</p> <p>Disa veprimtari si shërbimet financiare, shërbimet spitalore dhe kujdesi mjekësor, shërbimet e edukimit, shërbimet e transportit etj. janë të liruara nga TVSh. Po ashtu, ligji parasheh edhe lirime në importe për linjat e prodhimit dhe makineritë për përdorim në procesin e prodhimit, lëndën e parë që shfrytëzohet për procesin e prodhimit, pajisjet e teknologjisë së informacionit etj.</p> <p>Tatimpaguesi bën regjistrimet dhe deklarimet bazuar në Legjislacionin Tatimor të Republikës së Kosovës, e cila njihet si deklarim vullnetar.</p> <p>Deklarimet dhe pagesa e TVSh-së bëhet në baza mujore dhe konsiderohen vlerësim i bërë nga vetë tatimpaguesi (deklarime vullnetare nga ana e biznesit).</p> <p>Nëse biznesi ka vizita nga Inspektori Tatimor, atëherë tatimet për periudhën e inspektuar nga ATK, konsiderohen si të vlerësuara.</p>

Lloji i tatimit	Norma tatimore
Tatimet Doganore	10% standard. 0%, 2%, 5%, 6%, 10% or 15% (varësisht nga natyra e importit, vendi i origjinës si dhe shkalla e zbatimit të MSA-së me BE-në në rastet e importit nga vendet e BE-së). Në momentin e importit – përveç në rastet e përjashtimeve apo kur futet në depo doganore.
Akciza	Varësisht nga produkti. E pagueshme në rastin e importit apo prodhimit (marka e akcizës).
Kontributet Pensionale	5% nga punëdhënësi (biznesi) 5% nga paga bruto e të punësuarit (kontributi ndalet në burim dhe paguhet në baza mujore nga punëdhënësi).
Tatimi në Fitim Kapital	10% në diferencën e vlerës së investuar dhe vlerës së shitjes. Deklarimi dhe pagesa në baza vjetore – me deklarin vjetor në PD (Formulari i deklarin vjetor dhe pagesës për tatimin në të ardhurat personale).
Tatimi në qira	9% në vlerën bruto të qirasë Tatimi ndalet në burim dhe deklarohet e paguhet nga qiramarrësi.
Tatimi në interesa dhe të drejta pronësore	10%
Tatimi në të Ardhura Personale	Tatimpagues janë Personat Fizikë rezidentë jo-rezidentë, Ndërmarrjet Personale Afariste, Ortakëritë dhe Shoqëritë, të cilët pranojnë ose krijojnë të ardhura bruto
0 – 960 Euro në vit	0%
960 – 3,000 Euro në vit	4%
3,000 – 5,400 Euro në vit	8%
+5,400 Euro në vit	10%
Tatimi për jo-rezidentët	5%
Regjistrimi i biznesit	3 ditë
+5,400 Euro në vit	10%

Regjistrimi dhe menaxhimi elektronik i taksave & dokumenteve tjera tatimore:
<http://www.atk-ks.org/services/>

Regjistrimi dhe Menaxhimi i kontributeve pensionale:
<https://online.trusti.org/>

7. Procesi i regjistrimit për TVSH:

Personi mund të aplikojë për dokumentin e TVSh-së pavarësisht qarkullimit të biznesit të tij. Ligji i TVSh-së nuk parasheh përjashtime gjatë regjistrimit.

Regjistrimi për TVSh mund të bëhet në mënyrë vullnetare ose me kalimin e pragut në qarkullim prej 30,000 euro.

Një biznes duhet të regjistrohet për TVSh nëse kryen veprimtaritë si në vijim:

- **Furnizim të mallit dhe të mirave materiale brenda Republikës së Kosovës**
- **Ofrim të shërbimeve të caktuara kundrejt palëve të treta**
- **Aktivitete të eksportit dhe importit në Kosovë**

Regjistrimi në TVSH bëhet në mënyrë online në Administratën Tatimore të Kosovës përmes platformës **E-Deklarimi**

Një biznes i paregjistruar duhet të caktojë një përfaqësues për t'u regjistruar për TVSh dhe të kryejë obligimet përkatëse.



ACCESS

Market Access and Business Digitalization
Services for Kosovo Companies

Platforma „**Biznes Im**“ është zhvilluar
me përkrahjen e projektit **ACCESS**

Financuar nga

 Austrian
Development
Cooperation

Bashkëfinancuar nga



Implentuar nga

eciks | Prishtina
Vienna
Zürich
Management Consulting